



ル 5
3650
2



3820  
2

戶羅國注多言

會唐浮屠元奘至其國戶羅逸多召見曰爾國有聖人

出作秦王破陣樂試為我喜其為人元奘報言大聖歸

武不禍亂四夷賓服狀王喜曰我當重而納之

舊唐書貞觀十年沙門元奘至其國將往不錄論云

百餘部而歸又方伎傳僧元奘姓陳氏貞觀初隨商

人往遊西域十七年經百餘國悉解其國之語仍采

其山川謠俗土地所有撰西域記十二卷貞觀十九

年歸至京師唐書禮樂志七德舞者本名破陣王破陣

樂太宗為秦王破陣武廟軍中相與作秦王破陣樂

門 5  
號 3650  
卷 2



尸羅阿迭多

原注唐言戒日

唐書西域傳

會唐浮屠元奘至其國尸羅逸多召見曰而國有聖人  
出作秦王破陣樂試為我言其為人元奘粗言太宗神  
武平禍亂四夷賓服狀王喜曰我當東面朝之

舊唐書貞觀十年沙門元奘至其國將梵本經論六  
百餘部而歸又方伎傳僧元奘姓陳氏貞觀初隨商  
人往遊西域十七年經百餘國悉解其國之語仍采  
其山川謠俗土地所有撰西域記十二卷貞觀十九  
年歸至京師唐書禮樂志七德舞者本名秦王破陣  
樂太宗為秦王破劉武周軍中相與作秦王破陣樂

及卽位宴會必奏之其後更號神功破陣樂

貞觀十五年自稱摩伽陀王遣使者上書帝命雲騎尉  
梁懷璈持節慰撫尸羅逸多驚問國人自古亦有摩訶  
震旦使者至吾國乎皆曰無有戎言中國爲摩訶震旦  
乃出迎膜拜受詔書戴之頂復遣使者隨入朝

清淨法行經佛遣三弟子之震旦教化注震旦卽神  
洲之號也震爲東方日所出之處故以東國爲震旦  
國一切經音義摩訶此言大也法苑珠林梵稱此方  
爲脂那或云真丹或作震旦蓋承聲有楚夏耳若當  
稱漢漢止劉氏兩代一號已後禪讓魏晉不同須依

帝王稱謂甄別云云按戎言漢爲至那故至那僕底  
譯爲漢封國而元奘語戒口王至那者前王之國號  
大唐者我君之國稱也至震旦云者蓋由中土翻譯  
從其雅馴元應以爲非正音然義取東方啟明法行  
經注是矣膜拜穆天子傳注今之禮佛舉手加頭稱  
南謨拜也

詔衛尉丞李義表報之

法苑珠林載王元策傳云粵以大唐貞觀十七年三  
月內爰發明詔令使人朝散大夫行衛尉寺丞上護  
軍李義表副使前融州黃水縣令王元策等送婆羅

門客還國其年十二月至摩伽陀國因卽巡省佛鄉  
覽觀遺蹤聖迹神化在處感徵至十九年正月二十  
七日至王舍城遂登耑闍崛山又曰比漢使奉敕往  
摩伽陀國摩訶菩提寺立碑至貞觀十九年二月十  
一日於菩提樹下塔西建立使典司門令史魏才書  
大臣郊迎傾都邑縱觀道上焚香尸羅逸多率羣臣東  
面受詔書復獻火珠鬱金菩提樹

舊書林邑傳貞觀四年遣使獻火珠大如雞卵圓白  
皎潔光照數尺狀如水精正午向日以艾蒸之卽火  
然西域記菩提樹者卽畢鉢羅之樹也昔佛在世高

數百尺屢經殘伐猶高四五尺佛坐其下成正等覺  
因而謂之菩提樹焉莖幹黃白枝葉青翠冬夏不彫  
光鮮無變每至如來涅槃之日葉皆彫落頃之復故

冊府元龜貞觀二十年  
天竺國遣使貢方物

二十二年遣右衛率府長史王元策使其國以蔣師仁  
爲副未至尸羅逸多死國大亂其臣那伏帝阿羅那順  
自立發兵拒元策時從騎纔數十戰不勝皆沒遂剽諸  
國貢物元策挺身奔吐蕃西鄙檄召鄰國兵吐蕃以兵  
千人來泥婆羅以七千騎來元策部分進戰荼縛和羅  
城三日破之斬首三千級溺水死萬人

是謂以夷攻夷中國之利也唐吐蕃爲今西藏入天竺有四道泥婆羅今廓爾喀東與印度孟加拉南與拜哈烏德西與德列接海國圖志曰道光二十年英吉利入寇粵浙廓爾喀遣人稟駐藏大臣言小國與里底所屬披楞相鄰每受其侮今聞里底與京屬構兵京屬屢勝願率所部往攻里底屬地以助天討時駐藏大臣未知所稱里底卽英吉利所稱京屬卽廣東省所稱披楞卽印度答以蠻觸相爭天朝向不過問云云賢嘗竊觀唐使王元策已事廓爾喀助順討逆功在前代且自英夷割據印度勢若摧枯廓人區

區砥柱北部屏蔽三危西域記所稱人性剛獷自古已然令遣將監護若常惠隨烏孫竇固用南單于武義璜璜於貞觀何有哉

阿羅那順委國走合散兵復陣師仁禽之俘斬千計餘眾奉王妻息阻乾陀衛江

卽旃伽河今岡噶江也汪士鐸水經注圖犍陀衛國南有海口注曰今岡噶江按佛國記由烏菴東下五日到犍陀衛西域記乾陀衛國北天竺境東臨信度河汪氏移于摩竭提東南岡噶江以北誤矣唐書乾陀衛江者今乾吉思音轉非從國地得名也西人言恒水曰

沿絕斯曰恒額曰安曰乾吉釋氏凡言疏伽或曰

思曰安治土皆譯音或異或省恒伽長阿或稱强伽高王經皆恒河之通稱析言之

則疏伽專屬岡噶江恒河北源之一也 國朝齊召

南水道提綱曰岡噶江源出岡底斯東南有狼干喀

巴布山高大如象按新婆沙論疏伽從山北麓泉出

匯為池西北流折西南曰狼楚河又西會拉楚河折

東南至那克拉蘇木多北鄙而麻楚河自東北來會

始名岡噶江內府圖曰岡噶穆倫江西又東南流二

百里出阿里界經馬木巴柞木郎部落至厄訥特克

國入南海此水浩大疑即佛書恒河西傲水道篇曰

恒水北經迦尸普爾又東北與疏伽河相會疏伽河

一名固那河又名岡噶江自烏得城分為雙流並趨

而下有決列河及列低河自西來入之又東南納小

唐托河而後同會於恒水又東至五河合口

師仁擊之大潰獲其妃王子虜男女萬二千人雜畜三

萬降城邑五百八十所

舊唐書太宗紀二十二年五月庚子右衛長史王元

策擊帝那伏帝國大破之蓋誤以汗號為國名也

東天竺王尸鳩摩送牛馬三萬餽軍及弓刀寶纓絡迦

沒路國獻異物并上地圖請老子象

西域記迦摩縷波國王號拘摩羅聞有至那國沙門  
在摩揭陀殷勤往復遂與使偕行而會見焉王曰今  
印度諸國多有歌頌摩訶至那國秦王破陣樂者聞  
之久矣又曰覆載若斯心冀朝貢云云此尸鳩摩殆  
卽拘摩羅王旣望風來餽遂詣闕修貢其云迦沒路  
猶中天竺自稱摩伽陀國王矣

元策執阿羅那順獻闕下有司告宗廟帝曰夫人耳目  
玩聲色口鼻耽臭味此敗德之原也婆羅門不劫吾使  
者甯至俘虜耶擢元策朝散大夫

舊唐書太宗之葬昭陵也刻石象阿羅那順之形列  
於元闕之下近美人林樂知等譯四裔編年表貞觀  
二十二年印度王普路門溺死於恒河蓋指是役而  
以溺死爲辭非其實矣

得方士那羅邇娑婆寐自言壽二百歲有不死術帝改  
館使治丹命兵部尙書崔敦禮護視

舊書曰館之於金飈門內造延年之藥方用婆羅門  
敗德爲戒而改館黠胡恣其邪說比之孝武開新秦  
降昆邪遂思蓬萊方丈之游戰且學僊有若一轍貞  
觀之治亦稍衰矣

使者馳天下采怪藥異石又使者走婆羅門諸國所謂



畔茶法水者出石曰中有石象人守之水有七種色或熱或冷能銷艸木金鐵人手入輒爛以囊它觸體轉注瓠中有樹名咀賴羅葉如梨生窮山崖腹前有巨虺守穴不可到欲取葉者以方鏃矢射枝則落爲羣鳥銜去則又射乃得之其詭譎類此

酉陽雜俎卷五載那羅邇婆言畔茶法水及咀賴羅樹卽史文所本也

後術不驗有詔聽還不能去死京師

通鑑高宗紀王元策之破天竺也得方士那羅邇娑婆寐以歸太宗頗信之使合長生藥藥竟不就乃放

還上卽位復詣長安又遣歸元策時爲道王友奏言此婆羅門實能合長年藥自詭必成今遣歸可惜失之元策退上謂侍臣曰自古安有神仙秦始皇漢武帝求之疲弊生民卒無所成果有不死之人今皆安在李勣對曰誠如聖言此婆羅門今茲再來容髮衰白已改於前何能長生陛下遣之內外皆喜娑婆寐竟死於長安

高宗時盧伽逸多者東天竺烏茶人亦以術進拜懷化大將軍

郝處俊傳時浮屠盧伽逸多治丹曰可以續年高宗

欲遂餌之處俊諫曰修短固有命異方之劑安得輕服哉昔先帝詔浮屠那羅邇娑寐案其方書爲祕劑取靈蘄怪石厯歲乃能就先帝餌之俄而大漸上醫不知所爲羣臣請顯戮其人議者以爲取笑夷狄故法不得行前鑑不遠惟陛下深察帝納其言第拜盧伽逸多爲懷化大將軍觀此則浮屠乃柳泌之亞匹貞觀爲憲廟之前車矣

乾封三年五天竺皆來朝

舊書天授二年東天竺王摩羅枝摩西天竺王尸羅逸多南天竺王遮婁其拔羅婆北天竺王婁其那那

中天竺王地婆西那竝來朝獻

開元時中天竺遣使者三至南天竺一獻五色能言鳥乞師討大食吐番丐名其軍元宗詔賜懷德軍使者曰蕃夷惟以袍帶爲寵帝以錦袍金革帶魚袋并七事賜之北天竺一來朝

舊書景龍四年南天竺國復遣使來朝景雲元年復遣使貢方物開元二年西天竺復遣使貢方物八年南天竺國遣使獻五色能言鸚鵡其年南天竺王尸利那羅僧伽請以戰象及兵馬討大食及吐蕃等仍求有及名其軍元宗甚嘉之名軍爲懷德軍九月南

天竺王尸利那羅僧伽寶多枝摩爲國造寺上表乞寺額敕以歸化爲名賜之十一月遣使冊利那羅伽寶多爲南天竺國王遣使來朝十七年六月北天竺國藏沙門僧密多獻質汚等藥十九年十月中天竺國伊沙伏摩遣其大德僧來朝貢二十九年三月中天竺王子李承恩來朝授游擊將軍放還天寶中累遣使來文獻通考曰乾元末河隴陷沒遂不復至酉陽雜俎元宗時有五色鸚鵡能言上令左右試牽帝衣鳥輒瞋目叱吒岐府文學能延言獻鸚鵡篇以贊其事張燕公有表賀稱爲時樂鳥

摩揭陀

那揭

烏婁

章求拔

悉立

摩揭陀一曰摩伽陀

一切經音義摩竭提或云摩揭陀亦言默偈陀又作摩伽陀皆梵音訛轉也正言摩揭陀此譯云善勝國或云無惱害國一說云摩伽星名此言不惡主十二月陀者處也名爲不惡處國亦名星處國也本中天竺屬國環五千里土沃宜稼穡有異稻巨粒號供大人米

西域記摩揭陀國周五千餘里城少居人邑多編戶地沃壤滋稼穡有異稻種其粒麤大香味殊越光色

特甚彼俗謂之供大人米

王居拘闐揭羅補羅城

西域記矩奢揭羅補羅城摩揭陀國之正中古先君王之所都多出勝上吉祥香茅以故謂之上茅宮城也崇山四周以爲外郭西通峽徑北闢山門東西長南北狹周一百五十餘里內城餘址周三十餘里又曰初頻毗羅王都在上茅宮城也頻遭火患遷之寒林時吠舍釐王聞王野處欲襲不虞邊候以聞乃建城邑以王先舍於此故稱王舍城也逮無憂王遷都波吒釐城以王舍城施婆羅門云云依恭甯翰圖王

舍城在今孟加拉部巴哈爾之西南五十里上茅宮城在王舍城之南稍西約十里

或曰俱蘇摩補羅曰波吒釐子城北瀕旃伽河

西域記曰旃伽河南有古城周七十餘里昔者人壽無量歲時號拘蘇磨補羅王宮多花故以名焉逮乎人壽數千歲更名波吒釐子城按元奘先述羯若鞠闍國人長壽時舊王城名拘蘇摩婆羅蓋說本不經轉相依托也一切經音義俱蘇摩此譯云華波吒釐亦云波吒梨耶是一華樹名斯則俱蘇摩補羅卽波吒釐城譯寫之別同物異稱不必侈舉無量歲時區

稱名之先後矣佛國記到五河合口度河南下一由延到摩竭提國巴連弗邑巴連弗卽波吒釐對音由延一作由旬朱謀埠水經注箋引毘曇論云四肘爲一弓八弓爲一拘盧舍今之二里也八拘盧舍爲一由旬今十六里也是波吒釐城去恒河申河合口處十六里黃赫材曰五河合口東行一由延到帕旦那城古巴連弗邑也恭甯翰圖作巴德拏在赤道北二十五度三十三分京師偏西三十一度十五分矣外國史略榜甲拉部巴那城居民三十萬其土人大半回回

貞觀二十一年始遣使者自通於天子獻波羅樹樹類白楊

依南蠻傳大和祊鮮而西人不蠶剖波羅樹實狀若絮紐縷而幅之是卽本草似木之木棉矣本草木棉有草木二種交廣木棉樹大如抱入秋開花實大如拳中有白棉棉中有子今人謂之班枝花沈懷遠南越志言南詔諸蠻收娑羅木子中白絮紐爲絲織爲幅名娑羅籠段祝穆方輿志言平緬出娑羅樹大者高三五丈結子有綿紐綿織爲白瓊兜羅錦亦班枝花之類各方稱呼不同耳一切經音義拘遮羅劫貝

正言迦波羅譯云樹花名也可以爲布罽賓以南大者成樹

太宗遣使取熬糖法卽詔揚州上諸蔗柝瀋如其劑色味愈西域遠甚

一切經音義蔗餠以甘蔗爲餠餠今沙糖是也本草沙餠法出西域唐太宗始遣人傳入中國以蔗汁過樟木槽取而煎成清者爲蔗餠凝結有沙者爲沙餠漆甕造成如石如霜如冰者爲石蜜爲餠霜爲冰餠也陶宏景曰蔗出江東爲勝

高宗又遣王元策至其國摩訶菩提寺立碑焉

法苑珠林引西國志云王元策大唐顯慶五年九月二十七日至菩提寺寺主名戒龍爲漢使設大會使人已下各贈華氎十段并食器次申呈使獻物龍珠等至于十月一日寺主及餘眾僧餞送使人西行五里泣涕而別卽是役矣其聖迹篇載摩訶菩提寺碑稱副使前融州黃水縣令乃貞觀中副李義表報使事也

後德宗自製鍾銘賜那爛陀祠

西域記山城北門行一里餘至迦蘭陀竹園今有精舍石基甍室東開其戶如來在世多居此中說法開

化導凡拯俗

又有那揭者亦屬國也貞觀二十年遣使者貢方物焉  
法顯記從犍陀衛國南行四日到弗樓沙國西行十  
六由延至那竭國界醯羅城北行一由延到那竭國  
城西域記濫波國東南行踰大嶺濟大河至那揭羅  
曷國北印度境東西六百餘里南北二百五六十里  
山周四境懸隔危險國大都城二十餘里無大君長  
主令役屬迦畢試國城東南三十餘里至醯羅城從  
此東南山谷中行百餘里至健馱羅國按健馱羅即  
犍陀衛音轉今阿富汗喀布爾東南之乾陀彌城也

喀布爾即唐時迦畢試國亦一音之轉此那揭既役  
屬迦畢試又東南百餘里至健馱羅境其地望當在  
喀布爾迤北海給伽山之陽海給伽山即元奘所踰  
大嶺矣李光庭西域圖考曰法顯由東來故先至健  
陀衛元奘由西北來故先至那揭也

烏茶者一曰烏伏那亦曰烏菴直天竺南

按此文有誤直天竺南者是烏茶下云東距勃律西  
罽賓者是烏伏那即烏菴也知者元奘記云烏茶國  
東印度境周七千餘里東南臨大海濱南去僧伽羅  
二萬餘里靜夜遙望見彼國佛牙窣堵波寶珠光明

此東天竺之烏茶直天竺南者今孟加拉部庫克台迤東近戈什峽地也佛國記曰度蔥嶺已到北天竺始入其境順嶺西行崖岸險絕石壁千仞下有水名新頭河及度五百徬梯已躡懸絙過沙河度河便到烏菴國是正北天竺惠生使西域記曰入賒彌國漸出蔥嶺鐵索懸渡下不見底十二月初入烏場國北接蔥嶺南連天竺國中有如來晒衣履石之迹元奘記曰從烏鐸迦漢茶城北踰山涉川行六百餘里至烏仗那國北印度境周五千餘里此北天竺之烏菴今阿富汗別部加非利斯坦境內印度河下游也本

傳前云盧伽逸多者東天竺烏茶人後云大勃律西鄰北天竺烏菴一稱東天竺一稱北天竺畫然爲二此文蓋緣元奘記注有舊曰烏茶語也記云舊曰烏孫場或曰烏茶皆訛則元奘已斥之矣

地廣五千里東距勃律六百里西罽賓四百里

此以下指烏伏那也勃律罽賓自有傳

山谷相屬

蔥嶺懸渡在其東北法顯惠生所歷之域也元奘則由昭武諸國轉東度大雪山至北天竺故先經耨揭釐城乃東北踰山越谷以臨懸度矣



唐書西域傳注  
六  
產金鐵葡萄鬱金香歲三熟

史記宛左右以葡萄爲酒俗者酒馬嗜苜蓿漢使取其  
實來于是天子始種苜蓿葡萄肥饒地西域記烏  
仗那國穀稼雖播地利不滋多葡萄少甘蔗土產金  
鐵宜鬱金香林樹蓊鬱花果茂盛魏書烏菴土多林  
果引水灌田豐稻麥

人柔詐善禁架術

後漢書方術傳徐登趙炳二人相遇于烏傷溪水之  
上登禁溪水水爲不流炳復次禁枯樹樹卽生荑二  
人相視而笑共行其道但行禁架所療皆除法苑珠

林載西國行傳云顯慶四年至婆栗闍國王爲設五  
女戲傳弄三刀至十刀又作種種關伎截舌抽腸等  
皆禁架之類也

國無殺刑抵死者放之窮山罪有疑飲以藥視溲清濁  
而決輕重

魏書烏菴國人有爭訟服之以藥曲者發狂直者無  
恙爲法不殺犯死罪唯徙于靈山

有五城王居術曹葉利城一曰曹揭釐城

西域記曰烏仗那國堅城四五其王多治曹揭釐城  
城周十六七里居人殷盛今加非利斯坦境內曹哥

拉城卽曹揭釐對音在赤道北三十四度五十六分  
京師偏西四十四度三分矣

東北有達麗羅川卽烏菴舊地

西域記曰曹揭釐城東北踰山越谷逆上信度河或  
履絙索或牽鐵鑱行千餘里至達麗羅川卽烏仗那  
國舊都也黃林材水道考甲布河東流至俾石哇爲  
英國所轄有邊達河自東北來會邊達河二源出喀  
非利東境黑嶺西南流入甲布河疑卽古達麗羅川  
也

貞觀十六年其王達摩因阇訶斯遣使者獻龍腦香璽

書優答

冊府元龜貞觀十六年十一月烏菴國遣使獻方物  
烏菴自古未通中國其王達摩因阇訶斯奉表曰大  
福德至尊一切王中上乘天寶車破諸黑黯譬如帝  
釋能伏阿修羅王奴宿種善根得生釋種拜至尊因  
獻龍腦香帝嘉其遠至降璽書以答慰之西域記羯  
布羅香樹松身異葉花果斯別初採旣溼尙未有香  
木乾之後修理而析其中有香狀若雲母色如冰雪  
此謂龍腦香也西陽雜俎龍腦香樹出婆利國呼爲  
固不婆律亦出波斯國樹高八九丈大可六七圍葉

圓而背白無花實其樹有肥有瘦瘦者有婆律膏香  
大食與烏菴東鄙接開元中數誘之其王與骨咄俱位  
二王不肯臣元宗命使者冊為王

通鑑開元八年夏四月丙午遣使賜烏長王骨咄王  
俱位王冊命三國皆在大食之西大食欲誘之叛唐  
三國不從故褒之按大食起波斯西龍朔中滅波斯  
南侵婆羅門當與烏菴西鄙接傳文誤作東鄙温公  
遂以三國在大食之西非也骨咄俱位皆在蔥嶺西  
南自有傳

章求拔國或曰章揭拔本西羌種居悉立西南四山中

後徙山西與東天竺接衣服畧相類因附之地表八九  
百里勝兵二千人無城郭好鈔暴商旅患之貞觀二十  
年其王羅利多菩伽因悉立國遣使入朝元策之討中  
天竺發兵來赴有功由是職貢不絕

海國圖志南印度沿革考曰通典有章求拔國在東  
印度西未審為南否賢案唐悉立當今西藏傲外章  
求拔在其西南處四山中此當直孟加拉東希馬拉  
雅大雪山間非南印度境也其轉徙而西不立城郭  
蓋亦西域行國元策前赴吐蕃西鄙檄召鄰國兵而  
章求拔在來赴之列意其為吐蕃泥婆羅役屬本小

唐書西域傳注 九  
部落故因悉立以來朝也

悉立當吐蕃西南戶五萬城邑多旁澗谿男子繒束頭  
衣羶褐婦人辮髮短裙婚姻不以財聘其穀宜秔稻麥  
豆死者葬于野不封樹喪制爲黑衣滿年而除刑有刑  
劓常羈屬吐蕃

唐吐蕃兼今前後藏地悉立當吐蕃西南爲所役屬  
又西南有章求拔與東天竺接其地望當爲今布魯  
克巴部矣王我師衛藏識畧曰布魯克巴部落在藏  
地西南本西梵國屬南行月餘接天竺國界其蕃民  
披髮裹白布如巾幘然著長領褐衣婦女盤髮後垂

加以素冠俗皆皈依紅教崇佛重經瀛環志畧曰布  
魯克巴一作不丹其北境與前藏之帕爾接壤東南  
界英人新闢之阿薩密西南界孟加拉東西約一千  
五六百餘里南北約六七百里其地時序和平遠勝  
兩藏土田肥沃湖河交貫五穀蔬菜瓜果皆宜戶口  
極繁西藏喇麻往來五印度率取道於此云云所述  
風俗土宜大同悉立矣和泰庵西藏賦注布魯巴有  
唐時賜冊印其文曰唐國師寶之印可證其嘗通於  
唐也元奘自中印度東行至迦摩縷波國卽折而南  
嚮但稱其境接西南夷計兩月行可入蜀西南境蓋

唐書西域傳注 十一  
足跡未及故闕焉不詳今西史論五印度者別稱爲  
不丹國徐繼畲謂其地勢偏東不在五印度界內是  
也

罽賓

罽賓隋漕國也

今印度迤西阿富汗部也明史以爲撒馬兒罕官書  
西域圖志以爲痕都斯坦默深先生亟辨之而斷爲  
今北印度克什米爾則不然按西域記迦溼彌羅國  
注舊曰罽賓訛也此魏氏所本西域記凡蕃漢異稱  
必曰唐言某如赭時唐言石國颯秣建唐言康國是  
也此注爲正舊說之譌乃沿而不察重誣古人矣唐  
書別有箇失密或曰迦溼彌邏所紀山川物產本之  
元奘記政使罽賓卽迦溼彌邏是一國兩傳豈宋景

文所出哉瀛環志畧曰唐書東西南北中五天竺南天竺濱海北天竺距雪山圍抱如壁東天竺際海與扶南林邑接西天竺與罽賓波斯接指畫地界確鑿分明證以泰西人地圖亦絲毫不爽罽賓為天竺接界之國則其不在天竺界內不待辨而明矣既在天竺之西則其為今之愛烏罕又不待辨而明矣如舉北印度屬之罽賓則天竺有東西南中而無北何以謂之五天竺不曰北印度即罽賓而曰與罽賓接是二非一彰彰明甚 國朝徐松漢書西域傳補注為小顏功臣獨其引迦溼彌羅以釋罽賓誤與魏同近

李光庭漢西域圖考既知罽賓為今阿富汗乃謂唐仍名罽賓又曰迦溼彌羅國入北印度云云皆承西域記注而失之也

居蔥嶺南

隋書漕國在蔥嶺之北按當以南為是

去京師萬二千里而羸

舊書去京師萬二千二百里本漢書西域傳也

南距舍衛三千里

今印度烏德城去阿富汗北境堪達哈爾等部二千五百餘里去克什米爾八百里痾知罽賓非迦溼彌

羅矣

王居脩鮮成

漢書王治循鮮城徐松補注曰循鮮之作脩鮮猶伊循之作伊脩

常役屬大月氏

大月氏西君大夏唐吐火羅也今布哈爾南部噶斯尼城與阿富汗壤地毗接故月氏貴霜王嘗滅罽賓而有其國至唐時猶能役屬之矣

地暑溼人乘象

漢書地下溼生稻隋書漕國土多稻粟豆麥饒象馬

俗治浮屠法

舊書其俗尤信佛法

武德二年遣使貢寶帶金鎖水精璣頗黎狀若酸棗

廣雅水精謂之石英酉陽雜俎馬侍中寶一水精椀夏蠅不近盛水經月不腐不壞本草玻璃出南番有酒色白色紫色瑩澈與水精相似唐書狀若酸棗疑卽紫色頗黎也

貞觀中獻名馬

舊書貞觀十一年遣使獻名馬

太宗詔大臣曰朕初卽位或言天子欲耀兵振伏四夷

惟魏徵勸我脩文德安中夏中夏安遠人伏矣今天下  
大安四夷君長皆來獻此徵力也

遣果毅何處羅拔等厚齎賜其國并撫尉天竺

舊書太宗嘉其誠賜以繒綵

處羅拔至罽賓王東向稽首再拜仍遣人導護使者至  
天竺

按處羅拔由罽賓導護以至天竺明罽賓非天竺之  
國也

十六年獻褥特鼠喙尖尾赤能食蛇螫者嗅卽屣創卽  
愈

魏志東夷傳注魚豢魏略大秦國多辟毒鼠

國人其傳王始祖曰馨孽至曷擷支傳十二世

按漢書月氏君大夏而塞王南君罽賓是罽賓故塞  
種也然至東漢之世爲貴霜所滅其後復立見於法  
顯惠生經行記而隋時改爲漕國史稱其王姓昭武  
字順達康國之宗族則已非塞種之舊蓋昭武九國  
若何若火尋實據貴霜故地遂并罽賓而有之也自  
隋世漕國王順達傳至曷擷支殆不能十二世所謂  
始祖馨孽當爲順達之先昭武氏得國之祖矣

顯慶三年以其地爲脩鮮都督府拜其王脩鮮等十一



州諸軍事脩鮮都督

舊書龍朔初授其王脩鮮等十一州諸軍事兼脩鮮

都督地理志脩鮮都督府以罽賓國遏紇城置領州

十毗舍州以羅漫城置陰米州以賤那城置波路州以和藍龍

池州以遣恨城置烏弋州以塞奔你羅羅州城置檀特

州以牛製城置烏利州以勃逸城置漠州以鶻換城置懸度州以布

置城

開元七年遣使獻天文秘方奇藥

舊書進天文經一夾秘要方并蕃藥等物杜陽雜編

開元初罽賓國貢珠光明潔白可照一室

天子冊其王傳為葛邏達支特勒

突厥傳其別部典兵者曰設子弟曰特勒元耶律鑄

雙溪醉隱集詩註和林城苾伽可汗之故都東北七

十里有唐開元壬申御書闕特勒碑闕特勒即唐書

闕特勒據碑文則新舊書突厥傳及罽賓傳諸言特

勒怛特勒之譌也

後烏散特勒灑年老請以子拂笮罽婆嗣聽之天寶四

載冊其子勃婆準為襲罽賓及烏菴國王

舊書冊其子勃訶準為襲罽賓及烏菴國王仍授左

驍衛將軍按烏菴在罽賓東南境蓋為其所兼併矣

乾元初使者朝貢

舊書乾元元年



